



SIUMUT

INATSISARTUNI ILAASORTAATITAT / LANDSTINGSGRUPPEN

8. december 2010

Inatsisartut suleriaasiat § 37 naapertorlugu Naalakkersuisunut imaattumik apeqquteqarniarbunga.

Naalakkersuisunut Apeqqut

Ilimanami talittarfeqarnikkut qaqagu pitsangorsaasoqarniarpa?

(Kristian Jeremiassen, Siumut)

Tunngavilersuut

Ilimanami talittarfeqarnikkut ukiorpassuarni ajornartorsiuteqartoqarpoq, ajornartorsiullu tamanna qaangerniarlugu Naalakkersuisut qanoq pilersaaruteqarnersut paaserusuppara.

Ilulissat takornarissat ornigarluartarpaat aamma tamanna Ilimanamut sunniuteqarpoq, takornarissallu 1000-it sinneqartut Ilimanamukartartartut innuttaasunit ataatsimiisitsininni oqaatigineqarpoq.

Imaq aalalaartillugu inunnnik angallassissutit sinersortaatit tulassinnaaneq ajorput, taamaalilluni Ilimanaq qaangiinnarneqartarluni. Aammalu takornarissanit angallassissutit tulassinnaaneq ajorput taamaalilluni takornarissat misigisassaat pinngitsoortinnejartutlik taamaalillunilu Ilimanami aningaasat isertinneqartussagaluit isertinneqanngitsoortarput.

Ilimanami innuttaasut aammalumi Ilimanami innuttaasuunngitsut Utoqqaat pitsorluttullu ilimanamukarniartut aammalu ilimanamiit aallarniartut assut ajornartorsiortarnerat inuunermullu ulorianarsinnaanera malugilluartarpaat talittarfilunnera pissutigalugu, tassami aalalaartillugu talittarfik ulorianarluinnartarmat.

Taamaammat paaserusuppara qaqagu talittarfeqarnikkut Ilimanami pitsangorsaasoqarniarnersoq.